

Kalendari i lutjes NGRITJA E KAMPIONEVE GUSHT 2023

1. Mirësia e vërtetë – I dashur Zot, jam përpjekur kaq shumë të jem i mirë. Por, pavarisht sa shumë përpiqem, nuk jam i mirë mjaftueshëm. Jam mirënjohës që më ke treguar se burimi i mirësisë së vërtetë vjen vetëm nga Ti. Ti je i vetmi që është i mirë. Falemnderit që kryen veprat e tua të mira dhe të përkryera përmes meje! (Mat. 19:16,17)

2. Bllokuesit e hirit - Oh Zot, sa herë që tundohem të bëj ndonjë gjë, diçka më bllokon. Pastaj kam kuptuar se ai gur bllokues isha unë. Përpjekjet e mia të sinqerta njerëzore po e mbysnin Frymën. Prandaj, pendohem për përpjekjet e mia mishore dhe pranoj hirin tënd të gjithë-mjaftueshëm të më fuqizojë.(Gal. 2:21)

3. I zgjedhur – I dashur Zot, qëndroj i mahnitur për shkak të dashurisë tënde të madhe që ke treguar ndaj nesh. Dashuria jote të detyroi të na zgjidhje madje para se Ti të krijoje botën. Jam mirënjohës sepse Ti më zgjodhe mua për shkak se më deshe. Ti më lejove të pranoja personalisht Krishtin në mënyrë që të isha një me Ty, i shenjtë, dhe pa të meta në Krishtin. (Efes. 1:4)

4. I adoptuar në familjen e Perëndisë - Oh Zot, jam i mahnitur me planin tënd ku më përfshive dhe mua. Jam mirënjohës se ishte vullneti yt që unë të adoptohesha në familjen Tënde. Të lavdëroj At Perëndi, për Jezus Krishtin që është lidhja jetësore që më ka lidhur me ty. Falemnderit që më ke adoptuar mua, si edhe për privilegjin e pjesëmarrjes në jetën tënde të mrekullueshme. (Efes. 1:5)

5. I pranuar në Krishtin – At qiellor, jam mirënjohës për pranimin tënd pa kushte. Falemnderit ty, Zot Jezus që më ke bërë të pranueshëm para Atit. Që kur pranova Jezus Krishtin në jetën time nuk ka më refuzim. Tani që

Krishti është në mua, Ti je për mua dhe unë jam i pranuar në të dashurin Bir të Perëndisë. (Efes. 1:6)

6. Kur dhemb – Askush nuk do të lëndohet. Në spitale menaxhimi i dhimbjes është prioriteti kryesor. Apostulli Pal mësoi se rrugët e Zotit nuk janë rrugët tona dhe shkroi se “ *mburremi edhe në shtrëngime*”. Lutuni që si burra t’i shohim sfidat tona si daltën e Perëndisë për të farkëtuar karakterin tonë dhe për të ndërtuar besimin. (Rom. 5:1-10)

7. Shtrëngimet sjellin durim (Rom. 5:1-10) – Durimi është një fryt i Frymës së Shenjtë (Gal. 5:22). Zoti përdor vështirësitë tona për të rritur durimin tonë. Lutuni që të mbusheni me Frymën e Shenjtë për të prodhuar Frytin e Tij.

8. Durimi ndërton karakterin (Rom. 5:1-10) – Karakteri është personi se kush jemi në të vërtetë, ndërkohë që reputacioni është ajo që njerëzit mendojnë se ne jemi. Nëse fokusohem në transformimin e karakterit tim sipas Krishtit, atëherë reputacioni im do të kujdeset për veten. Një karakter i butë, i duruar është rezultati kur Zoti përdor sfidat në jetën time. Lutuni për qëndrueshmëri dhe këmbëngulje.

9. Karakteri prodhon shpresë (Rom. 5:1-10) – Lutuni të jeni një burrë, karakteri i perëndishëm dhe përjetesa e tij me Zotin janë si një spirancë shpresë në sovranitetin e Zotit që sundon, pavarisht se çfarë stuhie po fryn në jetën tuaj.

10. Paqe – Paqe nuk është mungesa e stuhisë, por prezenca e Krishtit. Lutuni që burrat do të kultivojnë ndërgjegjësimin e prezencës së Krishtit dhe do ecin në miqësi me Të përmes çdo lloj sfide.

11. Të mbjellim fara – Si ndjekës të Krishtit, juve ju është dhënë privilegji i mbjelljes së farave të mira të ungjillit. Gjithësesi Zoti është ai që është përgjegjës për të korrat. Falenderojeni Atë sot që ju jeni

gjendur i denjë për të bashkëpunuar me Krijuesin e qiellit dhe tokës. (Mark 4:2-8)

12. Një jetë e shenjtë – Fryma e Shenjtë, ditë për ditë po na transformon si ndjekës të Krishtit në imazhin e Mjeshtrit tonë, por ne vendosim se sa ndikim Ai do ketë tek ne. Lutuni që Fryma e Shenjtë do të ketë hapësirë të bollshme në jetën tuaj sot. (Efes. 5:18)

13. Armët – Forcat e liga vazhdimisht na sulmojnë sepse ne jemi ndjekës të Jezusit. Gjithësesi, Zoti na ka dhënë leje të përdorim armët që janë më të fuqishme sesa armiqtë tanë. “sepse armët e luftës sonë nuk janë prej mishi,...” (2 Kor. 10:4). Lavdi Perëndisë!

14. Të pa arriturit – Sipas projektit Joshua, ka ende më shumë se 7 000 grupe etnike në botë që nuk kanë dëgjuar mesazhin e ungjillit. Lutuni që organizatat misionare do të kenë sukses për të arritur njerëzit e këtyre grupeve. “Dhe ky ungjill i mbretërisë do të predikohet në gjithë botën si një dëshmi për gjithë kombet...” (Mat. 24:14).

15. Informohuni – Në mënyrë që të përmbushim rolin tonë si dëshmitar të Krishtit, kripa e tokës dhe drita e botës, ne kemi nevojë të përfshihemi me shoqërinë. Kujdesuni që të qëndroni të informuar dhe të ngrini zërin për atë që është e drejtë dhe nderon Perëndinë. “Kështu, o bir njeriu, të kam vendosur si roje për shtëpinë e Izraelit;” (Ezek. 33:7).

16. Ji i vëmendshëm – “Ngrini sytë tuaj dhe shikoni fushat që tashmë zbardhojnë për korrien.” (Gjoni 4:35b). Në vend që të pezmatoheni nga përparimi i të keqes në botë, lutuni për sy të hapur dhe jini të vëmendshëm ndaj njerëzve që janë të konfuzuar dhe kërkojnë përgjigje. Zoti ka përgatitur shumë zemra për LAJMIN E MIRË.

17. Ji i mësueshëm – “Ejani, dëgjomëni, largohu nga e keqja dhe bëj të mirën, kërko paqen dhe siguroje.” (Psa. 34:14). Ji i mësueshëm kur Zoti të flet ty përmes Biblës dhe Frymës së Shenjtë. Lutu për një shpirt të përlulur dhe të gatshëm për të pranuar korrigjimin e Tij përmes Shkrimit ose njerëzve që i shërbejnë Atij. Është për të mirën tënde.

18. Ji gati – “Prandaj edhe ju jini gati, sepse Biri i njeriut do të vijë në atë orë kur ju nuk mendoni.” (Mat. 24:44). Jeta është e brishtë dhe pasigurt; asgjë nuk zgjat përgjithmonë përveç Fjalës së Zotit. Lutuni që të jetoni sipas prioriteteve të Zotit, duke e vendosur Atë dhe vlerat e mbretërisë së Tij të parat në jetën tuaj. Kështu do të jeni gati kur Ai të kthehet.

19. Ji besnik – “Cili është, pra, ai shërbëtor besnik dhe i mençur, që zotëria e tij e caktoi përmbi shtëpiarët e vet, për t’u dhënë atyre ushqimin në kohën e duhur?” (Mat. 24:45). Si burrë, bashkëshort dhe baba ti je shërbëtori dhe përfaqësuesi i Krishtit në familjen tënde. Ji i vërtetë në marrëdhënien tënde me Zotin dhe lutu për urtësi për të udhëhequr.

20. Ji i besueshëm – “Mos më mbani, sepse Zoti e ka bërë të mbarë udhëtimin tim; më lini të iki, që unë të kthehem te zotëria im” (Zan. 24:56). Eliezeri nga Damasku, shërbëtori që administronte pasuritë e Abrahamit ishte absolutisht i besueshëm në misionin e tij. Ai na frymëzon që të vendosim Zotin gjithmonë të parin. Lutuni të jeni një burrë që nderon Perëndinë përmes besueshmërisë së tij.

21. Ji i përlulur – “Ja, mbreti yt po të vjen; ... i përlulur dhe i hipur mbi një gomar, mbi një gomar të ri...” (Zak. 9:9). Shembulli i njeriut të vërtetë është Shpëtimtari ynë Jezus Krisht. Ai la mënjanë privilegjet hyjnore, e përluli Vetën, dhe u bë si ne për të na shpënguar përmes vdekjes së Tij në kryq. Lejojeni Krishtin të reflektohet në jetën tuaj.

22. Ji i ndjeshëm – “Nuk do ta copëtojë kallamin e thyer dhe nuk do ta shuajë kandilin që bën tym;” (Isa. 42:3). Në kontrast me të etjen për pushtet dhe agresionin që është shenjë dalluese e diktaturave të kësaj bote, mbretëria e Perëndisë është mbretëria e restaurimit dhe e shërimit të atyre që janë të thyer në zemër. Lutuni që të jeni një burrë i ndjeshëm ndaj nevojave të tjerëve.

23. Ji i urtë – “Ja, unë po ju dërgoj si dele në mes të ujërve; jini, pra, të mençur si gjarpërinjtë dhe të pastër si pëllumbat” (Mat. 10:16). Një gjarpër është i vëmendshëm dhe mbron kokën e tij. Ji një mendimtar. Mbani përjetësinë si fokusin tuaj dhe ju do të njihni lirinë dhe paqen që bota nuk mund t’ua japë. “Frika e Zotit është fillimi i urtësisë” (Psa. 111:10).

24. Ji produktiv – “Tregtoni deri sa të kthehem”. (Luka 19:13b). Çdo gjë që kemi na është besuar nga Perëndia për qëllimin që t’i sjellim Atij lavdi. Jeta ka një fund dhe kthimi i Krishtit është i sigurt. Pavarsisht se çfarë vjen e para, ji produktiv dhe përdor gjithçka që je dhe ke për të gjeneruar përfitime për lavdinë e Tij.

25. Ji i përgjegjshëm – “kur të dëgjosh ndonjë fjalë nga goja ime, do t’i lajmërosh nga ana ime” (Ezek. 3:17). Urdhërimi i fundit i Krishtit për dishepujt e Tij ishte urdhërimi i madh tek Mateu 28:18-20. Njerëzit kanë nevojë për Zotin. Lutuni që të jeni gati për t’u bindur dhe një zemër që digjet për të humburit. Fitojini fëmijët tuaj përmes dashurisë dhe shembullit të besimit.

26. Ji miqësor – “Përgjigja e ëmbël e fashit zemërimin, por fjala therëse e nxit zemërimin.” (Fjalët e Urta 15:1). Për shkak të një hormoni të caktuar, burrat reagojnë më lehtë në zemërim sesa gratë. Lutuni që të drejtoni nga Fryma e Zotit, më tepër se nga hormonet tuaja. Miqtë dhe familja juaj do të bekohen.

27. Ji i vërtetë – “Por fjala jote të jetë: Po, po; jo, jo; gjithçka më tepër vjen nga i ligu” (Mat. 5:37). Kur Jezusi urdhëroi të jemi të vërtetë, Ai gjithashtu na mësoi të jemi të dashur dhe të falim. E vërteta dhe dashuria duhet të shkojnë sëbashku. Lutuni të dini kohën dhe mënyrën si ta transmetoni të vërtetën dhe kujtoni se jo të gjitha të vërtetat duhet të thuhën.

28. Ji të qëndrueshëm – “I drejti do të lulëzojë si palma,..” (Psa. 92:12). Pema e palmës është fleksibël, pothuajse ka një strukturë elastike duke e lejuar atë të përkulet me forcën e erës dhe të kthehet përsëri në vendin e vet kur era pushon. Lutuni të jeni të themeluar tek Shkëmbi i Epokave dhe të mësoni si të jini fleksibël në stuhitë e jetës.

29. Ji bujar – “Ai që ka mëshirë për të varfërin i jep hua Zotit, i cili do t’ia kthejë ato që i ka dhënë” (Fjalët e Urta 19:17). Sipas një ankete britanike në 2013, muslimanët japin më shumë para për bamirësi se njerëzit e feve të tjera. Lutuni që dashuria e Krishtit do t’ju shtrëngojë të hapni zemrën dhe duart për ata që janë në nevojë.

30. Transformohu – “Transformohu me anë të ripërtëritjes së mendjes suaj, që të provoni cili është i miri, i pëlqyeri vullneti i Perëndisë...” (Rom. 12:2). Ne jemi të shpëtuar përmes besimit në Krishtin. Fryma e Tij e Shenjtë banon në ne. Mësimi i parë i dishepullizimit është të mohosh veten, ose nxitjen e mishit. Binduni shtysës së Frymës. Lejojeni Atë t’ju transformojë.

31. Ji mirënjohës – “Jini gjithmonë të gëzuar. Lutuni pa pushim. Për çdo gjë falënderoni sepse i tillë është vullneti i Perëndisë në Krishtin Jezus për ju.” (1 Thes. 5:16-18). Shumë të krishterë ecin çalë çalë në jetë sepse ata kurrë nuk i dorëzohen plotësisht zotërimit të Krishtit. Lutuni që Krishti të përmbushë premtimin e jetës me bollëk në ju ndërsa ia dorëzoni vullnetin tuaj, Atij.